

四庫未收書輯刊編纂委員會編

四庫未收書輯刊

北京出版社

柒輯・陸冊

四庫未收書輯刊

四庫未收書輯刊編纂委員會編

北京出版社

柴輯・陸冊目錄

續行水金鑑一百五十六卷圖一卷・之一

〔清〕黎世序 潘錫恩撰

一

〔清〕黎世序 潘錫恩撰

續行水金鑑一百五十
六卷圖一卷・之一

清道光十二年刻本

續行水金鑑者續傅穉君之書竟黎襄勤未竟之業也穉君之書鉅細兼賅體用悉備而於黃淮運載之尤詳蓋昔之治河祛其害今且資為濟運之利而全局樞機則在淮黃交匯誠

潘序

使河能順軌東趨淮亦會流下注斯漕運無阻滯之慮一治無不治矣自乾隆中潰決頻聞河身益墊於是閘淮不出無以收刷滌之效而河日病淮既不能暢出勢不能增高堰以

積湖瀦守五壩以防減洩適遇風力猛盛危險異常於是河病而淮亦病河高則易致倒灌淮閘則專藉南趨運河兼受二瀆委輸滿則易溢於是河淮病而運亦因之夫欲治運必先

潘序

淮欲治淮必先河河以海為歸宿往者海口近而流行速又得清口全淮盪滌不虞停墊故河漲非無倒灌漲消仍復舊觀惟欲避黃以出淮移交匯於彭家馬頭而淮力愈弱河淤愈

墊河身亦日愈高故自改
移清口之後而治河之局
為之一變於是康熙以前
之法遂不可以治乾隆嘉
慶年間之河此續書之不
可不亟為纂輯也黎襄勤
從事河干肫肫懇懇深悉

潘序

三

夫時近則形勢未殊事詳
則稽核較易援襲往例排
比成文於江工附錄如前
於永定更增所闕而亦於
黃淮運載之特詳則猶是
穉君之志歲月不居未及
竣事錫與芥航先生覆加

增訂始竟斯役既付剞劂
爰志大端語有之曰前事
之不忘後事之師覽者尚
以時近事詳而加之意焉
其於行水之機要所補裨
豈淺鮮哉時道光十一年
歲次辛卯秋七月涇縣潘

潘序

四

錫恩謹序

續行水金鑑一書經始於黎襄勤為之多年不克成道光丙戌吾友潘芸閣宗丞以學士觀察淮揚旋奉副總河之

命始躬督其事汰冗食核程課凡三年而後規模大定及君以憂歸里復為郵致其書多所增刪逾年而後粗完可繕寫校勘數過又逾年付剞劂氏至壬辰十月而後藏事益成書之難如此書迄於嘉慶庚辰距今十餘年矣湖河之利害又異曩時

張序

則其所當措置經營蓋已非此書之所能盡語有之窮則變變則通後之視今或亦難株守成法乎然自康熙乙卯以來八十餘年因革損益之蹟莫不犁然具備於茲編固得失之林司河者必當資以考鏡者也宗丞既為之序而余特紀其成書之歲月俾後有所考云爾

道光壬辰陽月膚施張井譔

續行水金鑑略例

續行水金鑑圖一卷書一百五十六卷前河督宮保襄勤黎公創稿中間查校檔案各取圖籍道光十一年秋校訂書成其與前書相出入者推排為略例前書止於康熙六十年四月今續以後事而各書所載有康熙六十年前事關工程未及備采者依年月補敘於前與前書相輔

前書圖有古今黃河通塞漢水西漢水濟水五水濟運洞庭鄱陽太湖鄒城禹王臺諸圖俱無可續今惟續圖河水淮水江水有工程者其前書有清江浦圖今入運河圖六衛河圖今入運河圖二而續增者沁

續行水金鑑略例

水圖一永定河圖一

前書略例謂河為四瀆之宗故先紀河運河矯揉造作而為之故以此終亦意為軒輊今則永定河有賜名有官守有歲修為三河之一必當續增一門其編次先後仍首黃河凡入河之水皆附之河既居淮渠則次淮凡入淮之水及淮北水利皆附之淮與河共渠又分淮為運故次運河運河自潞南下先納永定河故永定河次之又凡畿南水利河北水利多在運河西岸仍附運河運河經永定河水黃河水淮水次及江水故以江水殿焉條理如是也

前書博采古籍以證各水原委今續編自康熙六十

年以後原屬無庸遠搜而

聖世稽古核今著述日盛其地理水利切實可據者居多仍廣輯各水原委以與前書相輔次以章牘以嘉慶二十五年爲止殿以工程亦嘉慶二十五年官書也年來有大異同者附入夾注否亦略之圖載工程則以現在者爲審其有校舊工淤閉者以圖校書可以知順軌之盛矣

黃河百年來自沁口至楊莊北岸空隄及舊運口閘壩視前書時隄防加密南岸分泄餘漲亦比前書加多至清河移治河南考城移治河北與以漳水之裁魏縣淮水之併虹爲泗州皆關沿革之大者雲梯關

續行水金鑑略例

二

外大隄棄而復守案牘尤詳焉

洪澤湖東岸工程與前書高家堰多屬不同舊日村鎮今無所見由湖面普高之故黃河守北岸者以微山湖荆山橋河駱馬湖防淤也而洪湖於上游分黃助清前後皆同惟泄湖入江之路多方疏浚章牘工程不能不視前書時加密矣

浚河器具前書已詳而木龍之設百年來著有成效其名見宋史陳堯佐傳又河渠志所言馬頭鋸牙木岸似係排椿而云攔約河流則亦木龍也今自黎襄勤概用碎石拋護埽根近又概於工頭工尾築做柴土石壩木龍遂可不用至水底施工則康熙二十六

年設浚船二十九年裁撤雍正六年議以必水勢可乘駛若施之平流則旋起旋沈船戶舞弊水中無可稽察乾隆八年白莊恪奏復浚船鐵掃帚而兵夫懸帚不及地岸上視之無由確見嘉慶九年以混江龍失傳試造揚泥車兵夫礮鐵篦以齒向上而拖之十年遂停止案宋河渠志有鐵龍爪揚泥車浚川杷名目浚川杷木長八尺齒長二尺以石壓之兩旁繫繩以兩大船置滑車絞繩而浚卒乃反齒向上而拽之以古視今竟同一轍矣

續行水金鑑略例

三

往者畚鍤備於民間自立兵夫且頒額價又民隄歸官不勞徵發窮黎就食更給饗殮永定河工及黃河上游諸隄其籌畫視前書時更加詳備斯在曠代爲殊恩竟成

皇朝之常制至嘉慶十年三月初六日南河奉到二月硃筆密諭河工員弁毫無所得必另生枝節關係非淺旣云

密諭自不敢宣布而恭載

仁宗睿皇帝聖訓治水中又經刊入南河成案續編工次皆曉今亦按年恭載益知趨事

盛時無在不蒙

燾覆知感在是卽知惕亦在是矣

前書記載務詳而在工失事多以緣事一語概之今

則有章牘可稽者備列章牘有法有誠所以謂之鑑也至李敏達陳河工一摺大有詆諆亦備載之自愛者方可以引以為鑑正無妨人言之激也

書籍在官纂修原期詳備而清江浦於乾隆五十一年七月嘉慶十年十一月水淹官署八九尺及五六尺文卷不無微損其咨取外省者胥吏檢寄不無疎略及覆校前書亦往往有交議而竟無議請復而竟無復者書缺有閒今昔皆然今就有據者列之或引端而可知其委或旁攬而確得其證是所期於通達文書者

前書有官司六卷夫役四卷河道錢糧隄河彙考共

續行水金鑑略例

四

一卷開壩涵洞漕規共一卷今官司夫役隄工開壩涵洞俱分入各廳工程中漕規有則例成書至開壩涵洞必宜周知嘉慶十四年八月狀元墩事因下有廢涵洞不知何年淤入河底何年洞上築隄是記載不可不詳今案工牘列與前書相輔而行

原書圖須北向觀之乾隆五十一年十一月

廷寄湖廣總督武陵白沙隄工圖樣南北倒置不便閱看嗣後勿再舛錯今續圖依南向觀之運河分數圖自北而南書之原委工程例亦如此

案牘之文異於辭章且係編錄案牘之文尤不可改易至於恭載

諭旨各書所載往往多寡不同蓋用刪句不刪字之例刪句者止采此案所遵行之語不刪字者不敢改換句語即條陳各條亦分門各載其有月日者依次載有年月無日者編是月末有年無月日者編是年末仍原書例也

河工諸書如宋人禹元經水利圖經見於志傳而今所行者明徐氏潞水客談潘氏河防一覽為言水利者必覽之書李公之芳作前河督宮保梅麓朱公墓誌序云欲纂輯河防一書續潘季馴後不果成靳文襄治河書云康熙二十三年十一月面奉

諭旨該著一部治河書且作速著起今治河書所由命

續行水金鑑略例

五

名也又張文端有河防志張清恪有居濟一得自行水金鑑成遂為明於全局有體有用之鉅製所載行水之事原難泥古然靳文襄書記

聖祖在紅花埠問輔當日舊黃河在何處從何路入海同奏前代黃河原從大名府德州海豐利津等縣入海宋時遷徙往南由徐州淮安會淮入海

上笑顧左右云朕原說是如此爾等還不信可知

聖人日以行水古事訓迪左右也又乾隆四十四年十一月阿文成在時和驛八堡工次奉

諭以元史河渠志賈魯合龍事節錄一段寄交閱看又乾隆五十年再窮淮源

高宗記言若信初說後世將笑我君臣不讀書可知行
水一事杖策行工亦可暇親古簡今續輯案牘與前
書相輔經義治事之才覽此可以知今即吏以前事
爲師亦可爲檢查舊案之助

續行水金鑑略例

六

續行水金鑑纂修職員

總裁

太子少保原任兵部尚書兼都察院右都御史江南河道提督

原任兵部侍郎兼都察院右副都御史總督江南河道提督軍務張文浩

原任兵部侍郎兼都察院右副都御史總督江南河道提督軍務張文浩

兵部侍郎兼都察院右副都御史總督江南河道提督軍務張文浩

宗人府府丞前江南副總河潘錫恩

提調

江南河道庫道李湘蔭

分巡淮揚河務兼理漕務鹽法兵備道王貽象

分巡淮海河務兵備道文麟

續行水金鑑卷首

一

分巡淮徐河務兵備道李國瑞

分巡常鎮通海兵備道兼管河務王瑞徵

分理

淮安府山清裏河同知王廷彥

淮安府山清外河同知胡晉

纂修

安徽黟縣辛巳科舉人俞正燮

江蘇武進縣癸酉科副貢生董士錫

候選縣丞江蘇吳縣生員孫義鈞

總校

揀選知縣江蘇陽湖縣庚午科舉人湯錫光

分校

大挑南河知縣借補淮安府鹽城縣縣丞陳廷連

大挑南河知縣借補徐州府睢寧縣縣丞孫德坦

大挑南河知縣借補安徽泗州府盱眙縣縣丞丁壽彭

大挑南河知縣借補徐州府碭山縣縣丞楊鴻彬

大挑南河知縣署徐州府宿遷縣知縣曹文昭

大挑挑南河知縣彭光祥

大挑挑南河知縣鄭世光

監刊

原任淮安府中河通判萬承紫

淮安府阜北河務縣丞徐琮

續行水金鑑卷首

二

江西南河庫大使李士瑛

續行水金鑑總目

圖一卷

河水圖六附沁水圖一

淮水圖二

運河圖八附圖三

永定河圖

江水圖

書一百五十六卷

河水第一卷至第五十卷

淮水第五十一卷至第六十四卷

運河水第六十五卷至第一百三十二卷

續行水金鑑總目

一


永定河水第一百三十三卷至第一百四十五卷

江水第一百四十六卷至第一百五十六卷

黄河图式



黄河图式




大清會典黃河在河南孟津以上東於羣山中無衝決之虞北岸歷孟縣溫縣至武陟縣境南岸歷偃師縣鞏縣而下至汜水縣滎陽縣境出險入平汧漫善決全藉隄防捍衛自是以東歷滎澤縣鄭州原武縣陽武縣中牟縣封邱縣祥符縣陳留縣蘭陽縣儀封縣睢州商邱縣虞城縣考城縣及山東之曹縣單縣隸東河

謹按黃河上源前書圖已具今自隄工以東具圖六右圖一北爲黃沁衛糧祥河三廳及下北廳之祥陳汛隄四萬九百四十八丈八尺南爲上南中河下南河三廳隄三萬八千五百四十六丈四尺凡圖皆書成後道光十年夏訂據見在爲圖從其審也

黃河圖二


實丁く之監天下 河圖



大清會典黃河入江南境歷碭山縣豐縣沛縣蕭縣睢
寧縣銅山縣邳州宿遷縣桃源縣清河縣淮河出清口
會之復歷山陽縣阜寧縣安東縣踰雲梯關二百餘里
入海隸南河

謹按黃河圖三北為豐北銅沛邳北三廳隄四萬八
千六百四十三丈二尺南為蕭南銅沛睢南三廳隄
六萬五千六百四十七丈一尺銅沛邳北均有連山
未築隄之處

黃河圖



謹按黃河圖四北爲宿北桃北外北三廳隄五萬三十五丈二尺南爲宿南桃南外南三廳隄四萬九千五百五十五丈九尺今圖外北外南至楊莊清口止